



芝園集卷之三

樂府目錄

上之回

長歌行 四解

塘上行 三解

善哉行 七解

西門行 七解

順東西門行

上留田行

豔歌何嘗行 五解

仙人篇

古意四首

上壽歌

長門怨

白紵詞七首

怨歌行 有所思

龍頭流水歌 三疊

折楊柳



長安道

昭君怨二首

白頭吟

俠客行

猛虎行

舟人歎

宮詞

短歌行

子夜四時歌八首

董逃行

雉朝飛操

宛轉歌二首

自君之出矣三首

宮人入道詞

青雀歌

蕩子行

幽澗泉

采葛篇

車遥遥

潯陽歌十首

古別離三首

芝園集卷之三

樂府

上之回

上之回班陸離列寶戟馭靈旗上之回關蕭關入

甘泉登封巒上之回秩五時從萬國成百禮上之

回矚皇圖朝月支臣單于上之回開明堂日杲杲

鼓鏜鏜

長歌行 四解

正德庚辰作

皇皇日月明燁燁華芝莖皇皇日月明燁燁華芝

莖堯舜禪授湯武稱兵惟皇作極蕩蕩平平三辰



既順軌五緯曜其精越裳西旅重譯而來庭陛下
垂衣裳萬國永康寧歌以言志皇皇日月明一解
生世各有為達者全令名生世各有為達者全令
名時來鼠變虎運去鳩嗤鵬風雷動變乃顯金滕
日月之聖訾於晏嬰我尚何人能不畏汝青蠅青
蠅白黑君自疑白日照耀當知之歌以言志生世
各有為二解二儀玄化旋大道合自然二儀玄化
旋大道合自然上有白日照不見重淵鳳皇之喙
不勝烏鳶我但澹穆無為可以得神仙口銜靈藥
手握秘篇倏忽下行九地飄颻上薄九天百千萬

億永我壽年歌以言志二儀玄化旋三解種樹成
繁陰種瓜多苦心種樹成繁陰種瓜多苦心樹陰
尚可息瓜苦人不食東南有大鳥橫天而舒翼白
日蔽虧雷霆搏擊彼誰者子懷沙抱石庭有旅樹
樹有旅禽我今與汝孰可斷金上隴耶涉河耶汝
今辛苦勿復待來音歌以言志種樹多繁陰四解

塘上行三解

蒲生我池中綠葉揚朱華采采君自憐時節忽蹉
跎蒲生願有花妾行願有家蒙恩而不卒含涕空
咨嗟一解蒲生我池中鷺鷥逐陽春銜泥一墮地

不及梁間塵嬈讒捐愛嫡褒寵乃廢申自古皆如此非今獨苦辛二解蒲生我池中與君生別離昔為明河月今為濁水泥昔若盤中玉今若原上藜食荼誰云苦妾心當自知三解

善哉行七解

正德已卯作

來日大難憂思如麻日中則昃豐屋蔀家一解禹

平昏墊武偃干戈今我不樂兔罹雉羅二解共工

觸石女媧補天崇侯媚紂箕子稱賢三解羲和御

日蔽于陽烏闔廬之智不察子胥四解何以忘憂

乘雲遨遊凌厲五岳逍遙九州五解受道王母徘徊

徊赤城歷覽玄籙遂升紫庭六解紫庭之君於惟

玉皇錫我遐壽介我嘉祥七解

西門行七解

出西門行當思食荼啖炙君今甘苦自知之一解

滄海化桑田高臺為曲池今日不作樂來朝難可

期二解雲龍邁嘉會日月耀重離生身際盛世俯

仰恒熙熙三解我酒既以旨我殽既以時相逢罄

所歡慎莫戰羈佛鬱相譏非四解於陵之操丘蚓

不如靈均之醒漁父所悲爾獨嗟嗟疾苦天命詎

可違五解人壽諒非金石固惟有松喬可以嬉人

壽諒非金石固惟有松喬可以嬉六解 驅我車馬
曳我裳衣何用爲娛樂鳴金戛玉吹埴篪七解

順東西門行

立三極光八埏陛下聖德上齊天生盛世及芳年
親戚可以相周旋蜉蝣耀舜華妍扶桑日出墜虞
淵不作樂常屯遘牛山隕涕亦徒然獨鏤賜走狗
捐五湖赤松乃稱賢鑒朗月開華筵秩我籩豆揮
繁絃

上留田行

眷今原上飛鳴上留田庭中鬱鬱紫荊上留田與

爾親爲弟兄上留田爾獨乘肥衣輕上留田富貴
即爲英雄上留田貧賤亦自天成上留田相彼讓
國揚名上留田嗟嗟尺布不縫上留田

豔歌何嘗行五解

天有七曜地有四維天有七曜不照汝情地有四
維不能制汝遊行一解 結髮爲婚媾琴瑟兩相和

汝今但遠去信誓齊山河二解 池中有鴛鴦箇箇

兩相當樹上有女蘿葉葉自交柯三解 食蓼不言

苦食鬱不言甘心所思所親人過期而不詹四解 醯

雞處餅盎蠹蟲食莢李不得同生亦得同死五解

仙人篇

飄飄御華蓋奕奕乘雲軒玄洲翔赤鳳碧海戲青
鸞言訪列仙都鍊我九還丹編霓以為裳擷霞以
為冠桂樹夾馳道宮殿何鬱盤紫府授金策瑤臺
承玉杵清宵璧門啓玉女相周旋秦簫弄清吹湘
瑟有哀彈逡巡醉靈液六博縱清歡俯觀宇宙內
倏忽跳兩丸榮悴等朝菌生死若奔湍嗟哉何局
促達者乃稱賢

古意四首

我以青龍劍酌君綠玉琴朝為郢中曲曲盡愁予

心徘徊白日暮仰見雙飛禽

南山桂樹黃贈此連理枝今茲楊柳綠春風日相

思君看隴頭水猶自東西馳

邯鄲有姝女能為秦楚音芳菲何太盛棄置獨傷

心只自憐顏色君門萬里深

驂騑出太宛作貢入春明獨宿飛龍廐曾牽玉輅

征長揚罷弋獵馳道廢簫笙羈勒年年敵那聞呼

召聲

上壽歌

金叵羅玉屈卮奉君高堂上長跪前致辭君王有

道四海雍熙胥悅康永無為宣朗鼓諧塤箎今日
樂相樂萬歲以為期齊三光並兩儀

長門怨

君王新寵進棄妾長門深永巷施青草清宵泣素
琴含情傷白日買賦賤黃金願以秦王鏡相將照
妾心

白紵詞七首

黃金為棟白玉堂雕軒繡戶明月光華筵夜張列
圓方美人彈箏出洞房娥眉皓齒發清商織羅輕
綺隨風揚含情轉睐嬌態長牽牛織女空相望

紫樹烟生日西沉瑤臺綺榭羅珠禽主人愛客開
繁音客起獻壽千黃金黃流為池肉為林紛歌屢
舞樂且淫人生貴在相知心鍾鼎旂常何足欽甚
吳中白紵白且嬌何以裁之金剪刀光華皓皎媚
輕綃腕約珠絡冠翠翹蘭薰膏灼吹鳴簫月落參
橫轉斗杓卿雲爛爛明河遙延望仙人王子喬甚
啞啞烏啼夜未半天河耿耿明星粲腊獸息禽作
長宴椒漿膾豆雕胡飯塤箎協奏笙鏞間瑤觥引
滿那得筭白紵歌長亂復亂但願長夜不願旦甚
石榴花發明丹墀菖蒲郁郁紛紫莖千金買笑任

君為傾國傾城君自知君不見班姬紈扇悲別離
長門秋草生煩思不惜辛勤作舞衣願君垂光照
容儀其五

羅襦繡結雙死央金釵十二棲鳳皇蟋蟀宵鳴入
中堂文窓四闕總帷張緝商綴羽歌聲揚山高水
深地久天長百年生命不可常我今為樂殊未央其六
考朗鼓鏗鳴鍾吳歛越謳音節工三三兩兩步玲
瓏飄飄素袖舞回風瑤草瓊塔花紫茸華池綠水
嬌芙蓉太平之世醴泉通小東大東那與同其七

怨歌行

正德戊寅作

曜靈燭照九有覆盆難為光君子儀刑萬國小人
亂其常禍福誠無定端生命各有當雷開佞而蠱
君比干乃剗腸望之剛以就吏帝莫察其殃烏棲
各擇其木弋者恒見傷葑菲不遺下體嗟今獨無
良生非鳳皇之族胡為兮虺蜴柰何訴彼有昊殛
汝于遐荒

有所思

清鏡久不御朱鉛那復施忍看雲並鴈愁見月穿
帷華燈冷紅艷庭草委芳蕤不及梁間燕雙雙啄
紫泥

芝園集卷三
隴頭流水歌三疊

隴水下隴頭東西南北流浮萍逐隴水一去不復收

隴坂迴九折七日乃得越如何下隴水瞬息成訣絕其二

殘月寶刀白微霜隴樹黃笛中聞折柳那得不思鄉其三

折楊柳

夢轉流蘇帳粧成玳瑁簪白花飛不定綠葉舞還甦弱腕披芳露柔條托逝驂知君良獨苦日夜望

江南

長安道

曙動開長樂鷲鳴遶建章龍媒馳道出鳳吹彩旌揚繡陌生朱霧銅溝映綠楊渭橋春水漲日日汎鴛鴦

昭君怨二首

昭陽殿裏望君恩忽捧天書去國門怨恨曲中彈不盡獨留明月照孤魂

虜帳風沙粉黛摧空將青塚瘞娥眉人生不用如花貌只把黃金買畫師其二

白頭吟

春風吹楊花飄飄東西颺浮萍逐流水展轉不相
當本自無根蒂飄零焉所傷與君初見時女蘿纏
兔絲衣帶同心結誓言不相違君今有他意與君
生別離還我來時裝開我黃金箱頭上孔雀釵耳
中明月璫粲粲龍鬚席鬱鬱雞舌香艷艷紅羅襦
錯落雙鴛鴦何者不可愛何者君可忘君今不相
知那用復躊躇破我盤螭鏡斷我流黃機低頭謝
親愛掩涕出房闈不及黃泉下相見詎有期種苗
貴擇田種樹貴擇林嫁娶但擇貌那復擇其心何
車輪

俠客行

登君堂把君肘生從衛霍遊復與金張友主讐尚
不報肝膽向誰剖脫下驕驕裘換得新豐酒千錢
作使邯鄲倡北斗闌干掛朱牖平明走馬長安市
翻身戲折章臺柳

猛虎行

芝園集卷三
九
賊既殺我父母又奪我鉏與犁僵屍在戶未及塋
縣官徵輸縛我妻與兒妻寒無衣兒餒而饑我不
敢上前獄卒如虎此去生死那得知衣穿履破走
穀棘求救鄰里無錢與穀四顧無所依安用此生
為淚下如迸泉舉身倉皇赴深淵鄰嫗望見之驚
叫夫與子來救死來救死

舟人難

予自北旋阻于荆門目繫運舟之苦

大風折樹河乾見底五步十宿一夕九起河塞不
開水乾不來自顧無羽翼安能東西南北飛裂蓬
且為薪賣槽且為糜什九不得歸得歸官府相鞭
箠噫嗟嗟羊腸之險猶可越人無遭際那可活

宮詞

宮車晨幸百花宮歌吹喧喧動鼓鐘可憐寂寞栽
新錦翠黛朝朝枉自工桃李園中各有春花落花
開愁殺人芳草不承回輦跡玉街空望打毬塵非
關容色易為衰自是君王無好懷清宵掩泣芙蓉
帳白日羞簪雙鳳釵子蠶成繭燕飛飛宮使傳宣
作舞衣十二闌干明月徧夢魂飄蕩向誰依

短歌行

寒鷄夜鳴東方未曙童童伐鼓青旌載路虎嘯深
谷鷓鳴高樹役車未休歲聿云暮嗟哉生人渙若
朝露麝香見殘雉華自誤智矣韓終屏居守素黃
金易成年命可度

子夜四時歌八首

春歌

朝朝聽鵲報日日掩重闈莫踏門前草留踪待郎
歸

乍來結女伴江頭去浣紗問訊郎消息夜來燈燭
花

夏歌

女郎宛轉歌輕舟棹碧波打動明珠碎團團落青
荷

日出望車塵徘徊至日曛拾得紅蓓草染就石榴
裙

秋歌

淒淒復淒淒月出光尚微卽衣猶未綻何得理儂
衣

惻惻復惻惻桑黃秋露白持糜不能餐持麻不能
織

冬歌

夜來風似箭晨起雪盈床侯門教歌舞剪綵闔紅粧

河水結層冰疾風吹曠野嗟爾衣裳單獨宿在車下

董逃行

躡豐隆騃望舒方之峻矯共驅徘徊閭風顛遊戲
崑崙墟芊芊芝草奕奕干旗后皇不戒潛授靈符
握靈符窺帝圖鞭龍掣電無次且狐赤赤烏烏烏
泰阿倒執九鼎徂外庭紛矢石內寢伏戈爰不為
人獵為人漁于胥逋于胥逋

雉朝飛操

雉朝飛飛班班雉鳴草中雌鳴在田雉朝飛班東
西雄頸粲爛雌翼離袿嗟嗟枯楊兮尚復生稊我
為人兮老獨無妃老無妃兮可柰何命當絕兮柰
若何

宛轉歌二首

明星粲露華
法宛轉歌
歌宛轉
月白烏夜啼
絃長
曲何短
綠水芙蓉
夜夜開
芭蕉葉落
心常捲
玉柱調金徽
和歌宛轉
宛轉歌
芳堤步羅襪
綠藻

蕩流波七襄織就鴛鴦錦夜夜停機思度河其二

自君之出矣三首

自君之出矣雕梁復生燕思君如斷石投水不得見

自君之出矣鬢髮如蓬轉思君如井幹時時輓轡轉其二

自君之出矣衾枕歇芳蘭思君如明星夜夜在雲

間其三

宮人入道詞

團扇秋風冷長門白日移乍辭丹鳳輦特賜紫霞

祠夢遶龍顏數恩傾錦障私碧壇瑤草細寂寞禮仙師

青雀歌

雙飛青雀兒啁啁銜羽復懷饑不隨鸕鶴九天上縱有遐心誰得知

蕩子行

春風吹柔條細雨垂絲碧蕩子行別離折贈出南陌問言何時歸春去秋為期君心不自保富貴易為迷芳草亂人意黃鸝鳴樹枝白日苦短夜苦長擁衾抱枕長相思長相思淚如雨明年柳條莫復

青使我心兮苦復苦

幽澗泉

幽澗泉飛珠玉道傍白花細如粟繩樞小戶架山麓翁折新婦煮粥小兒敲冰斷青竹風吹草屋寒
肅肅

采葛篇

種葛南山下春風吹葛長二月吹葛綠八月吹葛黃腰鎌逝采掇織作君衣裳經以長相憶緯以思不忘出入君篋笥長得近輝光層冰布河水中野皓凝霜吳羅五文采蜀錦雙鴛鴦君恩當斷絕歎
化作萱草枝

車遥遥

車遥遥遥遥復曳曳朝上青雲端暮經白水裔南來北去互馳逐歲暮天寒肌骨悴梅花紛紛亂如雪野田黃雀空勞利

潯陽歌十首

九江江水九流盤彩鷁朱旗霄漢間七十二峯今夜月龍門相對駱駝山
龍虎開天取上游旌旄東下定神州檣帆直照鼉

芝園集卷三
鼉窟日月雙懸錦繡樓其二

村婦提魚西市西衛卒數錢不敢欺烽火莫須防
寇盜太平今有好官司其三

錦雲堆樹浪花長苑李飛來片片香打鼓鳴桡何
處客恠來驚散兩鴛鴦其四

澤北喧喧商賈廬澤南隱隱蛟龍居蓬頭赤脚沙
中子蕩槳拏鈎學捕魚其五

清風閣下暮潮平湓浦雷鳴雨打旌龍光閃映蓮
華嶂蜃氣長開雉尾城其六

夜半扶桑赤日開將軍旗纛擁雲來馬上長戈寒
映雪營中飛砲亂喧雷其七

漁郎渡頭燈火明潯陽市上酒旗橫沙白水清烟
水冷琵琶猶作斷腸聲其八

江上月明山兕吼三星燭地魚在笥日出花飛鶯
亂啼行人獨折江南柳其九

女兒港裏百花鮮舞燕游絲簇簇連深院只愁花
落盡朝朝暮暮打鞦韆其十

古別離三首

團團雲間月夜夜照妾房
蓼蓼城上鼓
鞞鞞落妾床
君如長少壯
妾豈怨參商
夢裡一相接
偏憐夢

不長

恠爾簷前燕雙來梁上棲飛時語相喚定處翼交
齊萬里寄書意粧成掩袂啼莫窺門外路芳草正
萋萋 其二

春思已無那如何又早秋偏將一片葉飛作萬重
愁鳳枕蘭香細瑤階霜杵柔暗揮雙淚眼一望大
刀頭 其三

芝園集卷之三終

芝園集卷之四

樂府目錄

芳樹

行路難五首

將進酒

燕歌行 五解

鞠歌行

秋胡行 三解

東門行 五解

門有車馬客行

當牆欲高行

滿歌行 五解

獨漉篇

昇天行

煌煌京洛行 八解

梁父吟 四解

別鶴操

結客少年場行



空城雀

防胡行二首

東道吟四解

思歸引

銅雀妓

苦寒行四解

噫嗟歌

公無渡河二首

臨高臺

王子喬

戰城南

出塞曲

關山月

搗衣篇

野田黃雀行

結襪子

江南曲十四首

從軍行

促促歌三首

芝園集卷之四

樂府體

芳樹



芳樹不同根連理枝森森上枝拂雲漢下枝巢玃禽人生各有匹結交不知心本謂膠投漆誰知商間參不知心尚可柰何妬我而讒我樹枝有時落汝心徒自惡

行路難五首

正德庚辰作

君不見太行山撐天柱日高鬱盤君不見黃河水翻雲倒霧千萬里渡河苦無梁上山苦無羽颯沓

蓬蒿常偃偻我往訴帝帝我拒虎豹常關攫人肉
雄鳩佻巧不為理時運苟未逢材藝棄如土蘇秦
空上咸陽書韓信猶蒙里兒袴其二

君不見連城鏃碎不復完平地水覆難再收昔日
彈冠取卿相片言不合興戈矛雷開被寵比干死
竇嬰失勢灌夫囚道旁荆棘汝自力進退惟谷心
煩憂綽約春華豈久妍青青松柏委山丘君如念
東門之黃犬何如彼西域之青牛其三

御君文茵暢轂之寶車升君旋題刻栢之華堂飲
君蒲萄琥珀之美酒服以華袿繡結之衣裳妾顏
不如花與玉妾心自比雙鴛鴦朝奉君前夕侍君
旁承君之歡不出洞房豈知貴貌不貴心轉眼秋
風霜霰侵明月長虛文錦帳清宵不斷白頭吟行
路難心煩冤自家結髮尚如此路上之人何足言其四

有口莫取猛虎食有手莫探驪龍珠商君貴寵就
車裂董侯驕橫遭屠誅鞭霆製雷驅鬼神陰設陽
施偷帝釣爵人賤人在瞬息何者踈遠不交親白
日照地冰山摧家貲藉沒妻兒繫茫茫青海有田
地身死冤鬼何當歸君不見莊生漆園為傲吏魯
連蹈海號高士行路難古如此其五

良人未二十辭家遠從戎長隨李將軍逐虜入雲
中轉戰突重圍積屍陰陵東旣勒燕然石復事函
谷封人言邊塞常苦寒十去不得一生還猛虎噬
屍骨其上有烏鳶積雪淒風長自悲帶刀擊斗何
時閒我一思之淚如雨縱有膏沐誰為顏其五

將進酒

將進酒烹羔羊滌瑤爵陳象床日團圓升扶桑上
賓集六樂張泰階平聖道昌紛屢舞歌悅康受百
祿齊千祥 皇帝陛下萬萬壽立我民極永無疆

燕歌行五解

草木黃落天氣秋清霜塗地風颼颼明月耿耿照
高樓客行不歸生煩憂一解將軍被甲冠兜鍪
金伐鼓破幽州白狼河北羽書流青海灣頭獵騎
休樓蘭授首左賢囚策勳左个封公侯二解玄鳥
北嚮鴈南遊迢迢織女望牽牛爾獨何為久淹留
欲言不言心苦愁三解雪花如掌照吳鉤白草連
天嘶紫騮爾今無褐又無裘奈何慘慘持戈矛四解
故鄉欲濟河無舟胡兒黠桀非好仇生來不得
共衾裯死沒應當返故丘五解

鞠歌行

黃鍾動葭管飛協氣相應群生熙簫韶奏鳳皇儀
聖人治世衆賢毗歲易邁生難期佩芳服潔良不
移起高臺延郭隗四方之士相追隨鄭尚妬誅娥
眉惡聞王臭王豈知伯樂死驂驪悲中心慘戚那
得怡

秋胡行三解

衆鳥有匹胥遨以遊擊而有別實惟睢鳩彼誰者
子矯矯卿侯突而好我中心孔羞卿有婦兮妾有
夫悅彼姝兮曾睢鳩之不如兮一解倉庚啾啾春
日載陽執我懿筐採彼桑桑彼誰者子車馬龍驤

含情流睇黃金是將獸有穴兮鳥有林卿有金兮
不如我之有心兮二解明明日月照臨下土女子
有行畏彼多露彼誰者子繡衣朱輅美也可悅不
念其故山有木兮水有魚子不信兮孰可與同居
兮三解

東門行五解

出東門淚滂沱少壯辭鄉里白首還蹉跎杖劍挽
強弩隸藉李輕車我今逐虜天山北功成歸來拜
白麻一解黃雲塞四野擔囊行負戈陰陵迷失道
壯士相顧但咨嗟二解倉浪天疾威我黃口小兒

復怨我出無車馬入無綺羅蕭蕭四壁立那得復
為家三解請君聽我言從今已後勿復咨嗟遭時
則龍翔失勢則為蛇骨肉幸相守富貴皆由他四
解人惡其上獸畏網羅但共舖糜為活辛苦經營
當奈何五解

門有車馬客行

門有車馬客乃自鴈門關下馬投車轄入門脫行
纏自言簪纓胄尺藉隸長安幼好縱橫術熟覽黃
石篇身隨漢驃騎逐虜祁連山左手覽繁弱右手
秉龍泉本謂功名易寧知道路艱首級不得上跡
弛無人憐冰霜落毛髮白日頹華顏歸還故里閭
親戚皆凋殘附鳥須附鸞藝園須藝蘭為謀自不
審失路將何言生不入虎穴死當赴龍淵徘徊長
歎息惻惻摧心肝

當墻欲高行

正德戊寅作

汝欲上高樓無梯那可及汝欲遊深宮無門那可
入東家之奴西家叱逐灌木之禽不巢華屋身無
七貴援張口奮臂不顯材賢丹霞可以蔽日容成
反照孰別媼妍我欲面訴神君天長水闊予不
得前結我朋友采掇芝草來授要道求世難老

楚國集卷中
滿歌行 五解

正德戊寅作

生世一何不常東有叢棘西有長荆剪荆伐棘傷
我手足由汝荆棘夷庚四塞嗟汝行路之人皆當
苦辛今我告汝汝獨不聞一解幼服庭訓長師聖
謨謙常不飽戚戚恒苦悲世人勸我言彼執珪
戴弁如脂如韋拘仁守義餓死夷齊汝獨區區柰
何不哺糟而啜醪二解我荅世人汝言一何愚蓬
蒿不作柱蘭桂難為芻又況東流之水必有西上
之魚出門各有好貴賤從來殊奈何不自愛金玉
可以捐其軀三解將留集屋上魚何可得張網在

堂下獸何由獲流光不久待白日忽西匿濩落無
所成中心空怵迫願欲凌風翔從彼雙黃鵠四解
黃鵠見我憐携我青雲端晞影咸池濯足消盤東
西南北離哉翻嗟汝烏鳶啄腐而吞腥驚羅悖弋
何時可安五解

獨漉篇

獨漉獨漉上陵入谷谷深無底陵高無躅玉在璞
中孰別純疵烏伏林莽孰辨雄鳩閉門養蜂自求
其螫出門種桂翻樹之棘集莞者驕集枯者耻纏
牽纍纍何由千里豎兒無知握策馳驅馬驚車敗

出 叫天號呼娘能捕蟬蚌則伺鷓懷機使詐水清石

昇天行

澹穆稅塵垢端居誦丹經了悟太上玄遂得真人
名玉皇註仙錄挈我昇天行青龍駕我驂白鵠翼
我衡徘徊崑崙顛夕息在層城謁帝雲閭門鈞樂
奏廣庭朱旗懸絳節靈芝花紫莖口吸沆瀣漿手
攀若木英采藥隨羨門雲臥同廣城瑤闕星辰布
雕軒日月經逍遙常不返億萬未遐齡

煌煌京洛行八解

北畝種桑南畝藝蘭桑葉沃沃蘭蓋班班一解洋
洋大海不擇細流思皇多士媚于京周二解渭濱
屠釣時惟鷹揚柔嘉山甫補我哀裳三解周召畢
榮宅于四輔九圍既式百蠻來敘四解白璧不揚
時予之耻懷沙自沉豈其得已五解飛廉亂周西
施敗吳假神三日叢乃立枯六解龐涓售智孫臧
以逃楚莊之霸以相叔敖七解上天明明篤生哲
人載采九德立我蒸民八解

梁父吟四解

朝上泰山鬱何盤盤崩崖薛榮石齒闌班虺蛇橫

路虎豹當關慄哉慄慄曷以盤桓一解暮上泰山
白日西匿前有榛莽後有鬼域道險天寒饑不得
食欲見雲君何由可得二解泰山巍巍魯邦所宗
智矣齊相七國之雄二豔何甘以殺三士惟其忍
心嗟嗟晏子三解虞羅藏機蜂蠆致螫口舌之微
惻惻戈戟長沙竄誼汨羅沉平誰為始禍嗟嗟晏
嬰四解

別鶴操

嗷嗷和鳴鳴相求兮與爾比翼成好仇兮命乃自
天匪我由兮中道棄背冲冲憂兮君子薄終義所
尤兮嗟嗟水覆疇可收兮

結客少年場行

少年縱飲博落魄廢生涯陰謀師鬼谷勇氣薄荆
軻象齒飾雕弧黃金裝莫邪較獵平陵下一發中
五犯橫行都市中殺人如刈麻官司急追捕埋名
魯朱家親交易名姓劇孟相經過授我千金贈白
刃重摩挲驅胡出上谷轉戰入交河就食大宛城
飲馬條支波錢刀賣首級擄蒲百萬多生當甘鼎
鑊死即棄山阿

空城雀

空城索索鼠穴狐栖白骨不葬悲風淒淒嗟爾黃
雀何不去此逃朝鳴啾啾夕呼嗷嗷慊慊長苦饑
爾生一何勞雀聞心中苦口噤不能語大澤饒風
波其上鷓鴣多東人挾彈西家張羅各自懷機智
愛惜田中禾覆車之粟人尚收官倉之儲寧汝由
何如闢蹋空城裏草根木實無人主經年不見有
行踪蓬蒿跳踉誰禁汝蚩蚩爾黃口慎莫生咨嗟
待得毛羽成努力自為家

防胡行二首

將軍來將軍來胡今在邊吾與汝戎旃擊左先備

右突後須防前寧斷我頭與足無壞我田與屋彎
弓被甲猶尚可無衣無食愁殺我

將軍來將軍來胡今在北吾與汝馳逐蜚螿須覆
巢驅虎須毀族巢不覆族不毀鳥獸攫人食骨髓
有塹莫險有墩莫固今汝不努力胡來荼毒汝

東道吟四解

泥滑滑水深車覆轍風飄雨驟不得歇一解石子

繫纍車所由荆棘如矛滿道周跋跋狼狽我心憂

二解後有猛虎銛牙利距前有剽虜搶奪官馬四

顧田野間望不見煙火三解我馬躊躇我僕次且

行徐徐無疾驅四解

思歸引

瞻彼遠道思吾故鄉故鄉不可見泣下沾衣裳栖
烏戀城樹白雲在河陽客久不言歸何用東西南
北翔織女未成報牽牛難服箱秋蘭開復落春草
青載黃蹉跎歲云暮念我父母不得將明月照戶
蟋蟀在房飛蓬飄轉顧影淒傷吁嗟乎東海之波
浩無際吾意較之還復長盍歸來思故鄉

銅雀妓

少小學歌舞君王嬖愛私陽臺雲雨散丘壠朔風

吹總帳明蟾影蘭庭湛露斯空令九秋夜三五小
星垂

苦寒行四解

玄雲其同雨雪其豐鳥棲林蔚獸嗥谷中哀此征
夫載西載東此日不卒亦孔之窮一解鑿冰冲冲

釜也燭之北風薄戶土也墜之我行中野霜雪瘁
之豈無父母山川間之二解東鄰殺牛西鄰割羊

盤盂紛錯膏燭夜光撞鐘伐鼓為樂未央嗟嗟行
役柰彼疆場三解北邙揚沙南山裂石莽莽白骨

聚如丘積毒膚敗肌四顧休惕六龍何其陰沍罔

極四解

噫嗟歌

正德戊寅作

疾風揚波陰雲載途噫嗟孰使雷霆孰秉戈及噫
嗟含沙射人陸地沮洳噫嗟群鳥詫鳳嫫母醜姝
噫嗟申椒棄美蕭艾同儲噫嗟黷貨肆流爾車爾
徒噫嗟雲吏殺人無罪率逋噫嗟皇天殫怒是僂
是屠噫嗟

公無渡河二首

畏虎不上山畏蛇不入淵河廣且惡毒沫千里十
去不一還公雖無千金之貲羨藜茹藿足活爾生

奈何赤身被髮而橫行汝力有底河廣無紀陽侯
縱憐汝不得救汝死

河水瀰瀰戟石祁祁公無渡河嗟嗟乎險危樂宮
伏甲魚膾藏鉞人防其顯不戒于微茂林張羅平
地風波觸目殺身况彼黃河公之往矣我心悲往
而不返我安適歸嗟嗟乎公胡弗知

臨高臺

正德己卯作

臨高臺以望宮闕鬱何壘壘阿房複道三十六高
高上薄青天開下有盤龍舞鳳之雕楹其上捎雲
掛斗之飛甍但見群鳥不敢度四顧相徘徊山東

六國爭虎戰咸陽宮闕俱成灰狐兔穴其處黃雀
啾啾哀堯舜垂衣茅茨土階峻宇雕牆乃為禍胎
我非板蕩之臣柰何坎壈而傷懷嗟嗟乎臨高臺

王子喬

王子喬乘雲馭氣上游遨上游遨七月七日辭親
友翩翩鶴背吹紫簫吹紫簫賓天門栖遲玄圃養
道真芝房石室乘崑崙乘崑崙列仙家桃樹千年
始一花糝和玉屑醉流霞下來遊御靈槎御靈槎
望之得見不得攀親戚恍忽空咨嗟空咨嗟睇八
極離汝塵垢仙可得仙雖可得汝尚不力終年齷

齷如視中之蟣蟲厭飽腥穢竟何益

戰城南

朝戰城南暮戰城北矢若飈飛戟如蝟積晨起裹
創血淚沾臆營中振鈴帳下奪食城南舉火城北
揚旗將軍如虎偏裨如羆衝堅陷瑕什攻五圍血
流野草肉掛枯枝我聞有道四海寢戈桑乾草青
條支不波北款呼韓南制尉佗魚麗雲屯被甲則
那

出塞曲

烽火馳沙漠邊城急羽書龍泉騰碣石繁弱控飛

孤六郡材官屬三秋駟鐵徂不愁胡未滅直為繫
單于

關山月

東海冰輪出西川桂影多弓開玄菟郡鏡轉白狼
河亂角驚城鵠清霜照鐵戈胡塵猶未滅戍客柰
愁何

搗衣篇

鼓鼙鼙夜何其月明露白風淒淒闌干北斗映南
箕莎鷄入戶流螢飛鳴玉珮步瑤墀揜皓腕出鳳
幃念君不歸搗君衣心煩力疾雙杵揮寒影散亂
殷參差輕綃舉繡帶垂調玉節淚交頤庭柯葉落
烏夜啼流音四轉聽者悲熠熠魚舒錦出自流黃
機裁為合歡被夜夜待君歸君今未解黃龍戍賤
妾年年空搗衣

野田黃雀行

渴飲野田水饑食野田粟辛苦哺兩雛知止復知
足君不見高樹之巢風吹落人烟所湊網羅惡深
山大澤聊足安天長路遠心不樂

結襪子

岳不言高海不言深周公可白屋天下乃歸心月

之從星不損其明龍之蟄淵斯耀其靈王侯雖云
貴貧賤未可陵士易訕名難成嗟爾漢廷之人慎
莫驚漢庭何有爾公爾卿得則九鼎重失則鴻毛
輕皇皇黼黻奕奕華纓彼駕車而馳馬譬若朝菌
之揚英結襪子禮王生張廷尉名乃成漢廷之人
慎莫驚

江南曲十四首

儂住大江南君家大江北生長不相知江頭見顏
色

瑤草秀丹翹青雲耀錦閣朝見芙蓉開日暮芙蓉

落其二

驄馬金絡頭寶帶雙吳鈎自言五陵客彈射若雲

流其三

采蓮復采蓮蓮塘清見底前有鷓鴣遊後有鴛鴦

戲其四

月白鸞簫細江清龍笛鳴長干里中兒打鼓賽江

靈其五

捕魚橫塘濱船多不施罟南風忽來吹移舟向前

浦其六

霓裳翠羽蓋錦纜木蘭舟逍遙神女兒三五弄珠

遊 其七

薜荔懸青帶芙蓉拆紫苞
舍南蜂作隊舍北燕成巢 其八

垂垂白門柳冉冉石臯蘭
承蜩貴公子日晏不知還 其九

東涯芳杜綠西渚蓮葉紅
瓊英若可贈徙棹及秋風 其十

白玉為杯竿黃金買屠蘇
碧榆蔭修沚解帶相歡娛 其十一

朝隨海潮來暮隨飛鳥去
生作江南人慣識江南

路 其十二

郎耕莫離田女織莫離機
禾黍作儂食絲苧作儂衣 其十三

揚旄為君舞擊汰為君歌
我歌猶未竟君情當奈何 其十四

從軍行二首

天王戎御自臨軒定遠親承明月環
此去匈奴猶未滅不須生度玉門關

十月祁連合陣雲親將突騎斬戎君
腰間斗大黃金印麟閣終收上將勳 其二

促促歌三首

促促復促促憂多歡不足但見車去時不見車來復

促促復促促一歎復一吁園有雙蝴蝶池有雙鯉

魚

其二

促促復促促調絃倚門柱郎長在門外妾長在門

裏

其三

芝園集卷之四終

